

Қазақстан Республикасы Мәдениет және спорт министрлігі

«Халықаралық туризм және меймандастық университеті» коммерциялық емес акционерлік қоғамы



Министерство культуры и спорта Республики Казахстан

Некоммерческое акционерное общество «Международный университет туризма и гостеприимства»

«БЕКІТЕМІН»
Басқарма тәраіымы – Ректор
М.С. Мурзамадиева

«18» 06 2021 ж.



ХАЛЫҚАРАЛЫҚ ТУРИЗМ ЖӘНЕ МЕЙМАНДОСТЫҚ УНИВЕРСИТЕТИНЕ ОҚУҒА ҚАБЫЛДАУ ЕРЕЖЕСІ

ХТМУ Е _____
Басылым _____
Көшірме № _____

Түркістан, 2021

Құжат паспорты

Құжат түрі	Ішкі нормативтік құжаттама
Құжат атауы	Халықаралық туризм және меймандастық университетіне окуга қабылдау ережесі
Құжаттың мақсаты	Білім алушыларды қабылдау және қабылдау сапасын бағалау рәсімдерін регламенттеу
Дайындауши	Қабылдау науқаны және маркетинг бөлім басшысы
Келісу	Зан және кадр қызметі бөлімінің басшысы
Бекіту	Басқарма Төрайымы – Ректор
Құжатты орындауши	Қабылдау науқаны және маркетинг бөлімі
Қолданылуы	Қабылдау науқаны және маркетинг бөлімі
Орындалуын бақылау	Басқарма Төрайымы – Ректор
Құжатқа қосымша	Бар
Ерекшеліктер	Жок
Нормативтік сілтемелер	<ol style="list-style-type: none"> Қазақстан Республикасының « Білім туралы» Заны 2007 жылғы 27 шілдедегі № 319-III (01.01.2019 ж.жағдай бойынша өзгерістермен және толықтырулармен); Қазақстан Республикасы Үкіметінің 2008 жылғы 23 қантардағы №58 «Бакалавр» немесе «магистр» дәрежелері берілетін жоғары немесе жоғары оку орнынан кейінгі білім алуға ақы төлеу үшін білім беру грантын беру ережелерін бекіту туралы Қаулысы; Қазақстан Республикасы білім және ғылым Министрінің 2018 жылғы 31 қазандығы №600 «Жоғары және жоғары оку орнынан кейінгі білімнің білім беру бағдарламаларын іске асыратын білім беру ұйымдарына окуга қабылдаудың үлгілік қағидаларын бекіту туралы» Заны; «Халықаралық туризм және меймандастық университеті» КЕАҚ директорлар Кеңесінің шешімі
Түпнұсқа иесі	Зан және кадр қызметі бөлімі

Қазақстан Республикасы Мәдениет және спорт министрлігі

«Халықаралық туризм және меймандастық университеті» коммерциялық емес акционерлік қоғамы



Министерство культуры и спорта Республики Казахстан

Некоммерческое акционерное общество «Международный университет туризма и гостеприимства»

Келісу парағы

Әзірленген:

Кабылдау комиссиясының жауапты хатшысы

А.А. Алайдаров

«18» 06 2021 ж.

Келісілді:

Заң және кадр қызметі бөлімінің басшысы

Н.М. Абиров

«18» 06 2021 ж.

1. Қолданылу саласы

1.1 Халықаралық туризм және меймандостық университетіне окуға қабылдау Ережесі (бұдан әрі - Ереже) «Білім туралы» 2007 жылғы 27 шілдедегі Қазақстан Республикасы Заңының 5-бабының 11) тармақшасына, Қазақстан Республикасы Үкіметінің 2008 жылғы 23 қантардағы №58 «Бакалавр» немесе «магистр» дәрежелері берілетін жоғары немесе жоғары оқу орнынан кейінгі білім алуға ақы төлеу үшін білім беру грантын беру ережелерін бекіту туралы қаулысы және Қазақстан Республикасы білім және ғылым Министрінің 2018 жылғы 31 қазандагы №600 «Жоғары және жоғары оқу орнынан кейінгі білімнің білім беру бағдарламаларын іске асыратын білім беру ұйымдарына окуға қабылдаудың үлгілік қағидаларын бекіту туралы» бұйрығына сәйкес дайындалған.

1.2 Халықаралық туризм және меймандостық университетіне (бұдан әрі – Университет) қабылдау мемлекеттік білім тапсырысы және жоғары оқуға білім гранттарын бөлу арқылы КР Мәдениет және спорт Министрлігінен бөлінген республикалық бюджет, сондай-ақ білім алушының жеке қаражатынан төлем жасау және басқа да көздер арқылы жүзеге асырылады.

1.3 Университеттің осы ережесі бакалавриат білім бағдарламаларын дайындау және жүзеге асыруы кезінде міндettі түрде сакталуы тиіс.

1.4 Осы Ережелер студенттерді қабылдау сапасын бағалауға негіз болып табылады.

1.5 Университет Ережелері Халықаралық туризм және меймандостық университетінің құжаттары құрамына кіреді.

2. Нормативтік сілтемелер

2.1 Осы Ережелерде келесі нормативтік құжаттарға сілтеме жасалады:

– Қазақстан Республикасының 2007 жылғы 27 шілдедегі №319 «Білім туралы» Заңы;

– Қазақстан Республикасы Үкіметінің 2008 жылғы 23 қантардағы №58 «Бакалавр» немесе «магистр» дәрежелері берілетін жоғары немесе жоғары оқу орнынан кейінгі білім алуға ақы төлеу үшін білім беру грантын беру ережелерін бекіту туралы Қаулысы;

– Қазақстан Республикасы білім және ғылым Министрінің 2018 жылғы 31 қазандагы №600 «Жоғары және жоғары оқу орнынан кейінгі білімнің білім беру бағдарламаларын іске асыратын білім беру ұйымдарына окуға қабылдаудың үлгілік қағидаларын бекіту туралы» бұйрығы;

– КР БФМ 2017 жылғы 2 мамырдағы № 204 "Ұлттық бірыңғай тестілеуді өткізу және Ұлттық бірыңғай тестілеуді тапсырғаны туралы сертификат беру" мемлекеттік көрсетілетін қызмет қағидаларын бекіту туралы бұйрығы (бұдан әрі – ҰБТ өткізу қағидалары) (2021 жылғы 13

сәуірдегі № 162 және 2021 жылғы 3 маусымдағы № 264 өзгерістер енгізілуімен);

– ҚР БФМ 2019 жылғы 1 сәуірдегі № 134 «Жоғары білімнің білім беру бағдарламалары мен техникалық және кәсіптік, орта білімнен кейінгі білім беру мамандықтарының туыстық топтарының сәйкестігінің әдістемелік ұсынымдарын анықтау туралы» бұйрығы;

– «Халықаралық туризм және меймандостық университетті» КЕАҚ директорлар Кеңесінің шешімі.

3. Атауы, анықтау және қысқарту

3.1 Университеттің осы ережесінде келесі қысқартулар қолданылған:

ҰБТ – Ұлттық бірыңғай тестілеу;

ҚР БФМ – Қазақстан Республикасы Білім және ғылым министрлігі;

ҚР МСМ – Қазақстан Республикасы Мәдениет және спорт министрлігі;

«ХТЖМУ» КЕАҚ – «Халықаралық туризм және меймандостық университетті» Коммерциялық емес акционерлік қоғам;

ҚР – Қазақстан Республикасы;

ЖЖОКБҰ – Жоғары және (немесе) жоғары оқу орнынан кейінгі білім беру бағдарламаларын іске асыратын Қазақстан Республикасының білім беру үйімдары;

Университет – «Халықаралық туризм және меймандостық университетті».

4. Жауапкершілік

4.1 Университеттің осы ережесі «Халықаралық туризм және меймандостық университетті» КЕАҚ директорлар Кеңесі отырысында талқыланады.

4.2 Осы ережелерді Басқарма Төрайымы - «Халықаралық туризм және меймандостық университетті» КЕАҚ Ректоры бекітеді.

4.3 Қабылдау комиссиясы университеттің көрсетілген талаптарын орындауға жауапты.

4.4 Осы Ереженің орындалуын бақылау Тәрбие және әлеуметтік жұмыс жөніндегі проректорға жүктеледі.

5. Жалпы ережелер

5.1 «Халықаралық туризм және меймандостық университеттіне» қабылдау тәртібі

5.1.1 Университетке оқуға қабылдауды «ХТЖМУ» КЕАҚ Басқарма Төрайымы – Ректор басқаратын, қабылдау комиссиясының құрамы жүзеге асырады.

Қабылдау комиссиясының құрамына Басқарма Төрайымы – Ректор, проректорлар, құрылымдық бөлімшелер басшылары және Университеттің профессорлық-окытушылық құрамының өкілдері кіреді. Қабылдау комиссиясының сандық құрамы тақ сандық құрамнан тұрады. Қабылдау комиссиясының Төрайымы – Басқарма Төрайымы – Университет Ректоры. Басқарма Төрайымы – «ХТЖМУ» КЕАҚ Ректорының немесе оның міндетін атқарушы тұлғаның бүйіріғымен қабылдау комиссиясының жауапты хатшысы тағайындалады.

5.1.2 «ХТЖМУ» КЕАҚ жалпы орта білімі, техникалық және кәсіптік, орта білімнен кейінгі, жоғары білімі бар тұлғалар қабылданады.

5.1.3 Республикалық бюджеттің есебінен ҚР Мәдениет және спорт Министрлігінен бөлінетін білім гранттарының конкурсына қатысуға және (немесе) ақылы оқуга орта, техникалық және кәсіптік немесе ортадан кейінгі білімі бар, ҰБТ өткен және оның нәтижесі бойынша тұлғалар жіберіледі:

– В091-Туризм білім беру бағдарламасының тобы бойынша – 50 баллдан кем емес;

– В093-Мейрамхана ісі және мейманхана бизнесі білім беру бағдарламасының тобы бойынша – 50 баллдан кем емес;

– В005-Дене шынықтыру мұғалімдерін даярлау білім беру бағдарламасының тобы бойынша – 75 баллдан кем емес.

Мұнда ҰБТ әр пәнінен және (немесе) шығармашылық емтиханнан 5 баллдан кем болмауы тиіс.

5.1.4 «ХТЖМУ» КЕАҚ-на түсетін тұлғаларды қабылдау «Білім беру қызметінде білім беру ұйымдары пайдаланатын қатаң есептегі құжаттардың нысандарын бекіту туралы» Қазақстан Республикасы Білім және ғылым министрлігі міндеттін атқарушының 2007 жылғы 23 қазандығы № 502 бүйіріғымен бекітілген нысан бойынша белгіленген үлгідегі сертификат баллдарына және (немесе) үміткердің бірегей деректері бар электрондық сертификатына сәйкес олардың өтініштері бойынша конкурсстық негізде жүзеге асырылады. Үлттық тестілеу орталығының сайтында жарияланатын Үлттық бірынғай тестілеу (ҰБТ) нәтижелерін ресми түрде растайтын құжаттар (бұдан әрі – ҰБТ сертификаты).

5.1.5 ҚР Мәдениет және спорт министрлігімен бөлінген республикалық бюджет қаражаты есебінен жоғары білім берудің мемлекеттік білім беру грантының иегерлері университетке Қазақстан Республикасының 2007 жылғы 27 шілдедегі №319 «Білім туралы» Заны, Қазақстан Республикасы Үкіметінің 2008 жылғы 23 қаңтардағы №58 ««Бакалавр» немесе «магистр» дәрежесі берілетін жоғары немесе жоғары оқу орнынан кейінгі білім алуға ақы төлеу үшін білім беру грантын беру ережесін бекіту туралы» Қаулысы негізінде, «Жоғары және жоғары оқу орнынан кейінгі білім беру

бағдарламаларын іске асыратын білім беру үйымдарына оқуға қабылдаудың үлгі қағидаларын бекіту туралы» Қазақстан Республикасы Білім және ғылым министрінің 2018 жылғы 31 қазандағы № 600 бұйрығымен, «Халықаралық туризм және меймандостық университеті» КЕАҚ Директорлар кеңесінің шешімдері мен осы Ереженің талаптарына сәйкес қабылданады.

5.2 Шығармашылық емтихандарды қабылдау және өткізу тәртібі

5.2.1 В005-Дене шынықтыру мұғалімдерін даярлау білім беру бағдарламасының тобы бойынша оқуға қабылдау шығармашылық емтихандардың нәтижелерін ескере отырып жүзеге асырылады.

5.2.2 Шығармашылық емтихандарды үйымдастыру және өткізу үшін Басқарма Төрайымының – «ХТЖМУ» КЕАҚ Ректоры немесе оның міндетін атқарушы тұлға емтихан өткізу кезеңінде емтихан комиссиясын құрады.

5.2.3 Комиссия құрамына профессор-окытушылар құрамы, қоғамдық үйымдар, бұқаралық ақпарат құралдары қатарынан «ХТЖМУ» КЕАҚ екілдері кіреді. 6B014-Жалпы дамудың пәндік мамандандырылған мұғалімдерін даярлау бағыттары бойынша шығармашылық емтихандар жөніндегі комиссияның құрамына бейіні бойынша тиісті білімі бар және мәдениет және спорт саласындағы жергілікті уәкілетті орган ұсынған тұлғалар да кіреді.

Комиссия тақ саннан тұрады және Комиссия мүшелерінің көпшілік дауысымен комиссия Төрайымы сайланады. Комиссияның шешімі, егер отырысқа оның құрамының кемінде үштен екісі қатысса, заңды болып саналады. Комиссия шешімі емтиханға қатысушылар санының көпшілік дауысымен қабылданады. Дауыстар тең болған жағдайда Комиссия Төрайымының дауысы шешуші болып табылады.

5.2.4 Шығармашылық емтихандарды өткізу Қазақстан Республикасы Білім және ғылым Министрінің 2018 жылғы 31 қазандағы №600 бұйрығымен бекітілген «Жоғары және жоғары оқу орнынан кейінгі білім беру бағдарламаларын іске асыратын білім беру үйымдарына оқуға қабылдаудың үлгілік қағидаларының» 1-қосымшасына сәйкес шығармашылық емтихандар өткізілетін білім беру бағдарламалары топтарының тізбесіне сәйкес білім беру бағдарламалары топтары бойынша жүзеге асырылады.

5.2.5 В005-Дене шынықтыру мұғалімдерін даярлау білім беру бағдарламасының тобы бойынша шығармашылық емтихандар тапсыру үшін, қабылдау комиссиясына келесі құжаттарды өткізу қажет:

- 1) жалпы орта немесе техникалық және кәсіптік, орта білімнен кейінгі білім туралы құжат (түпнұсқа);
- 2) көлемі 3 x 4 сантиметр 2 фотосурет;
- 3) жеке басын қуәландыратын құжаттың көшірмесі;
- 4) ҰБТ сертификаты (ол болған жағдайда);

5) «Дене шынықтыру және спорт туралы» 2014 жылғы 3 шілдедегі Қазақстан Республикасы Заңының 35-бабының 1-тармағында белгіленген спорттық разрядтардың және (немесе) спорттық атақтардың біреуінің болуын растайтын құжаттың көшірмесі (бар болған жағдайда).

Сонымен қатар, В005-Дене шынықтыру мұғалімдерін даярлау білім беру бағдарламасының тобына түсуші тұлғалар шығармашылық емтихандарды тапсыру үшін қабылдау комиссиясына сайт арқылы немесе университеттің электрондық поштасы арқылы онлайн тапсырады. Таңдалған университетке құжаттарды тапсыратыны және сол құжаттарды басқа ЖЖОКБҰ-ға тапсырмайтыны туралы тұлғаға таныстырылады және жауапты болады.

5.2.6 Шығармашылық емтихан тапсыру үшін оқуға түсушілерден етініштерді қабылдау ЖЖОКБҰ-да күнтізбелік жылдың 20 маусым мен 7 шілде аралығында жүзеге асырылады.

5.2.7 Шығармашылық емтихан күнтізбелік жылдың 8-13 шілдесі аралығында өткізіледі.

5.2.8 В005-Дене шынықтыру мұғалімдерін даярлау білім беру бағдарламасының тобы бойынша оқуға түсетін жалпы орта, техникалық және кәсіптік немесе орта білімнен кейінгі білімі туралы құжаттары бар, шығармашылық дайындықты талап ететін тұлғалар еki шығармашылық емтихан тапсырады.

5.2.9 В005-Дене шынықтыру мұғалімдерін даярлау білім беру бағдарламасының тобы бойынша оқуға түсетін, шығармашылық дайындықты талап ететін тұлғалар шығармашылық емтихандарды «ХТЖМУ» КЕАҚ тапсырады.

5.2.10 Шығармашылық дайындықты талап ететін жоғары білімнің білім беру бағдарламалары тобына түсетең, жалпы орта, техникалық және кәсіптік немесе орта білімнен кейінгі білімі туралы құжаттары бар тұлғалар еki шығармашылық емтихан тапсырады.

В005-Дене шынықтыру мұғалімдерін даярлау білім беру бағдарламасының тобы бойынша құжат тапсырган спорттық жетістіктері бар талапкерлер шығармашылық емтихандардан босатылып, келесі ретте баллдары қойылады:

Спорттық жетістіктер	I-Шығармашылық емтихан	II-Шығармашылық емтихан	Жалпы баллы
ҚР еңбек сінірген спорт шебері; ҚР халықаралық дәрежедегі спорт шебері; ҚР спорт шебері; ҚР спорт шеберіне үміткер	45	45	90

Соңғы үш жылдағы халықаралық және республикалық спорт жарыстарының женімпаздары (бірінші, екінші және үшінші дәрежелі дипломдармен марапатталған)	45	45	90
---	----	----	----

5.2.11 В005-Дене шынықтыру мұғалімдерін даярлау білім беру бағдарламасының тобы бойынша оқуға түсетең, орта немесе техникалық және кәсіптік, орта білімнен кейінгі білімі бар, шығармашылық дайындықты талап ететін тұлғалар үшін Қазақстан тарихы, оку сауаттылығы (оқыту тілі) бойынша баллдар ескеріледі.

5.2.12 В005-Дене шынықтыру мұғалімдерін даярлау білім беру бағдарламасының тобы бойынша шығармашылық емтиханды өткізу формасы мен бағдарламасын университеттің әзірлейді және университеттің қабылдау комиссиясының Төрайымы бекітеді.

5.2.13 Шығармашылық емтиханның кестесін (емтиханды өткізу түрі, өткізілетін күні, уақыты және орны, кенес беру) қабылдау комиссиясының Төрайымы бекітеді және құжаттарды қабылдау басталғанға дейін оқуға түсушілердің назарына жеткізіледі.

5.2.14 Оқуға түсушіні аудиторияға (ғимаратқа) шығармашылық емтихандарды өткізуге жіберу жеке басын қуәландыратын құжатты көрсеткен кезде жүзеге асырылады.

5.2.15 Шығармашылық емтихандар басталғанға дейін түсушілерге шығармашылық емтихандарды өткізу тәртібі түсіндіріледі, сондай-ақ шығармашылық емтихандардың басталу және аяқталу уақыты, нәтижелерді жариялау уақыты мен орны және апелляцияға өтініш беру рәсімі көрсетіледі.

5.2.16 Жалпы орта немесе техникалық және кәсіптік, орта білімнен кейінгі білім туралы құжаттары бар талапкерлер үшін шығармашылық емтихандар 45 баллдық жүйе бойынша бағаланады.

5.2.17 Шығармашылық емтиханды өткізу қорытындылары Бағалау тізімдемесімен, комиссияның еркін нысандағы хаттамасымен ресімделеді және нәтижелерді жариялау үшін қабылдау комиссиясының жауапты хатшысына (оның орынбасарына) беріледі. Комиссия хаттамасына төраға және Комиссияның барлық қатысқан мүшелері қол қояды.

5.2.18 Шығармашылық емтихандардың нәтижелері емтихан өткізілген күні жарияланады.

5.2.19 Шығармашылық емтихан нәтижелері бойынша оқуға түсушіге шығармашылық емтихан тапсыру орнына қарамастан ақылы негізде ЖОО-ға түсү үшін бағалар ведомосынан көшірме беріледі.

5.2.20 Емтихан өткізу кезеңінде шығармашылық емтиханға қойылатын талаптарды сақтау, даулы мәселелерді шешу, тиісті емтихан тапсыратын адамдардың құқықтарын қорғау мақсатында Басқарма Төрайымының – «ХТЖМУ» КЕАҚ ректоры немесе оның міндетін атқарушы тұлға бұйрығымен Төрайымын қоса алғанда, мүшелердің тақ санынан тұратын апелляциялық комиссия құрылады.

5.2.21 Апелляцияға етінішті апелляциялық комиссия Төрайымының атына арнайы немесе шығармашылық емтихан тапсырған адамның өзі береді, арнайы немесе шығармашылық емтихан нәтижелері жарияланғаннан кейін келесі күні сағат 13.00-ге дейін қабылданады және апелляциялық комиссия бір күн ішінде қарайды.

5.2.22 Апелляциялық комиссияның шешімі, егер отырыска оның құрамының кемінде үштен екісі қатысса, заңды болып саналады. Шығармашылық емтихан нәтижелерімен келіспеу туралы апелляция бойынша шешім Комиссияның қатысып отырган мүшелері санының көпшілік даусымен қабылданады. Апелляциялық комиссия мүшелерінің дауыстары тен болған жағдайда төрағаның дауысы шешуші болып табылады. Апелляциялық комиссияның жұмысы төраға және Комиссияның барлық қатысқан мүшелері қол қоятын хаттамамен ресімделеді.

5.2.23 «ХТЖМУ» КЕАҚ шығармашылық емтихан аяқталған күні Қазақстан Республикасы Білім және ғылым министрлігі Ұлттық тестілеу орталығының ақпараттық жүйесіне республикалық бюджет қаражаты есебінен жоғары білімнің білім беру грантын беру және (немесе) ақылы окуға университетке қабылдау конкурсына қатысу үшін түсушілердің шығармашылық емтихан нәтижелерін береді.

5.3 Білім беру грантын беру рәсімдері мен негіздері

5.3.1 ҚР Мәдениет және спорт министрлігі бөлген республикалық бюджет қаражаты есебінен білім беру гранттарын тағайындау бойынша конкурсты «ХТЖМУ» КЕАҚ Директорлар кенесінің шешімімен құрылатын Комиссия өткізеді. Комиссия құрамы Басқарма Төрайымының – «ХТЖМУ» КЕАҚ ректорының бұйрығымен бекітіледі.

5.3.2 Комиссия Мәдениет және спорт, білім беру саласындағы уәкілетті органдың, басқа да мұдделі мемлекеттік органдар мен ведомстволардың қызыметкерлері, азаматтық қоғам институттарының, үкіметтік емес ұйымдардың өкілдері қатарынан тақ санда қалыптастырылады. Басқарма Төрайымы – «ХТЖМУ» КЕАҚ ректоры комиссия Төрайымы болып табылады.

5.3.3 ҚР Мәдениет және спорт министрлігі бөлген республикалық бюджет қаражаты есебінен білім беру гранттарын тағайындау жөніндегі комиссияның отырысы күнтізбелік жылдың 20 тамызында өткізіледі.

5.3.4 КР Мәдениет және спорт министрлігі бөлген респубикалық бюджет қаражаты есебінен "бакалавр" дәрежесі берілетін жоғары білімді төлеу үшін білім беру гранттары Ұлттық бірыңғай тестілеу сертификаттарының баллдарына сәйкес білім беру бағдарламаларының нақты топтары бойынша конкурстық негізде беріледі.

Жоғары білім беру грантын беру конкурсында Қазақстан тарихы, математикалық сауаттылық, оқу сауаттылығы (оқыту тілі), екі бейіндік пән бойынша баллдар ескеріледі.

5.3.5 Шығармашылық дайындықты талап ететін жоғары білім берудің білім беру бағдарламалары топтарына түсушілер үшін жоғары білімнің білім беру грантын беру конкурсында Қазақстан тарихы, оқу сауаттылығы (оқыту тілі) және екі шығармашылық емтиханының нәтижелері ескеріледі.

5.3.6 Жоғары білім беру грантын беру конкурсына қатысу үшін оқуға түсуші қабылдау комиссиясына тапсырады:

1) белгіленген үлгідегі бланкідегі өтініш;

2) білімі туралы құжат (қабылдау комиссиясына құжаттарды тапсырган кезде түпнұсқасы);

3) ҰБТ сертификаты (қабылдау комиссиясына құжаттарды берген кезде);

4) 075 нысаны бойынша Медициналық анықтама;

5) жеке басын қуәландыратын құжаттың көшірмесі.

Өтінішінде жоғары білімнің білім беру грантын беру конкурсына қатысу үшін түсуші өзі таңдаған Университет жоғары білімнің білім беру бағдарламасын көрсетеді.

5.3.7 Білім беру гранттарын тағайындау конкурсына қатысу үшін өтініштер күнтізбелік жылдың 20 маусымы мен 19 тамыз аралығында қабылданады.

5.3.8 КР Мәдениет және спорт министрлігі бөлген респубикалық бюджет қаражаты есебінен жоғары білім беру грантын беру конкурсына қатысу үшін ҰБТ-дан өткен орта, техникалық және кәсіптік немесе орта білімнен кейінгі білімі бар және оның нәтижелері бойынша жинаған тұлғалар жіберіледі:

– В091-Туризм білім беру бағдарламасының тобы бойынша – 50 баллдан кем емес;

– В093-Мейрамхана ісі және мейманхана бизнесі білім беру бағдарламасының тобы бойынша – 50 баллдан кем емес;

– В005-Дене шынықтыру мұғалімдерін даярлау білім беру бағдарламасының тобы бойынша – 75 баллдан кем емес. Бұл ретте ҰБТ-ның әр пәні және (немесе) шығармашылық емтихан бойынша кемінде 5 балл жинау қажет.

5.3.9 Шығармашылық дайындықты талап ететін В005-Дене шынықтыру мұғалімдерін даярлау білім беру бағдарламасы тобына түсушілер шығармашылық емтиханды «ХТЖМУ» КЕАҚ тапсыру шартымен, жоғары білімнің білім беру грантын беру конкурсына қатысады.

5.3.10 Білім беру гранттарын алуға конкурс өткізу, сондай-ақ жоғары білімі бар кадрларды даярлауға мемлекеттік білім беру тапсырысы бойынша білім алушылардың құрамына қабылдау кезінде баллдар тең болған жағдайда келесі кезекте басым құқыққа ие болады:

- 1) «Алтын белгі» белгісімен марапатталған тұлғалар;
- 2) отансүйгіштік пен белсенді азаматтық ұстанымы үшін ерекшелік белгісімен марапатталған тұлғалар;
- 3) техникалық және кәсіптік, орта білімнен кейінгі білімнің білім беру бағдарламаларын іске асыратын білім беру ұйымдарының білім туралы құжаттары бар, біліктілігін растиған және мамандығы бойынша кемінде бір жыл жұмыс өтілі бар тұлғалар;
- 4) жалпы білім беретін пәндер бойынша халықаралық олимпиадалар мен ғылыми жобалар конкурстарының (ғылыми жарыстардың) (бірінші, екінші және үшінші дәрежелі дипломдармен марапатталған), орындаушылардың халықаралық және респубикалық конкурстары мен спорттық жарыстардың (бірінші, екінші және үшінші дәрежелі дипломдармен марапатталған) соңы үш жылдағы жеңімпаздары, сондай-ақ өздері таңдаған мамандықтары олимпиаданың, конкурстың немесе спорттық жарыстың пәніне сәйкес келген жағдайда ағымдағы оқу жылышының жалпы білім беретін пәндер бойынша Президенттік, респубикалық олимпиадалар мен ғылыми жобалар конкурстарының (бірінші, екінші және үшінші дәрежелі дипломдармен марапатталған) жеңімпаздары;

5) жетім балалар мен ата-анасының қамқорлығының қалған балалар, сондай-ақ кәмелетке толғанға дейін ата-анасынан айырылған немесе ата-анасының қамқорлығының қалған жастар қатарындағы Қазақстан Республикасының азаматтары, бірінші және екінші топтардағы мүгедектер, басқа мемлекеттердің аумағындағы ұрыс қымылдарының ардагерлері, жеңілдіктер бойынша Ұлы Отан соғысының ардагерлеріне теңестірілген ардагерлер, медициналық қорытындыға сәйкес тиісті білім беру ұйымдарында оқуға қарсы көрсетілімдері жоқ бала кезінен мүгедектер, мүгедек балалар және үздік білімі туралы құжаттары (куәліктері, аттестаттары, дипломдары) бар тұлғалар.

Бұл ретте, балл көрсеткіштері бірдей болған жағдайда жоғары білім берудің білім беру гранттары аттестаттың, куәліктің немесе дипломның жоғары орташа баллдары бар тұлғаларға беріледі.

Баллдардың көрсеткіштері бірдей, сондай-ақ аттестаттың, күеліктің немесе дипломның орташа баллдары бірдей болған жағдайда бейіндік пән бойынша алған баллдары ескеріледі. Қайта кешенді тестілеуге қатысуышылар конкурсқа қатыса алмайды. Жоғары білімнің білім беру грантын беру бойынша басым құқық болмаған кезде, баллдардың көрсеткіштері бірдей болған жағдайда аттестаттың, күеліктің немесе дипломның жоғары орта баллдары бар тұлғаларға беріледі.

Баллдардың көрсеткіштері бірдей болған жағдайда және басым құқығы болмаған кезде, сондай-ақ аттестаттың, күеліктің немесе дипломның орташа балдары бірдей болған кезде бейіндік пәндер бойынша алған баллдары ескеріледі.

5.3.11 Қазақстан Республикасының азаматтары болып табылмайтын ұлты қазақ адамдарға, жетім балаларға және ата-анасының қамқорлығының қалған балаларға, сондай-ақ кәмелетке толғанға дейін ата-анасынан айырылған немесе ата-анасының қамқорлығының қалған жастар қатарындағы Қазақстан Республикасының азаматтарына, бірінші және екінші топтағы мүгедектерге, басқа мемлекеттердің аумағындағы ұрыс қимылдарының ардагерлеріне, жеңілдіктер бойынша Ұлы Отан соғысының ардагерлеріне теңестірілген ардагерлерге, медициналық қорытындыға сәйкес тиісті білім беру ұйымдарында окуға қарсы көрсетілімдері жоқ бала кезінен мүгедектерге, төрт және одан да көп кәмелетке толмаған балалары бар болған жағдайда, кемінде үш жыл толық емес мәртебесі бар отбасылар қатарындағы балаларға, бала кезінен мүгедек балаларды тәрбиелеп отырған отбасылардан шыққан балалар, бірінші және екінші топтағы мүгедектер тәрбиленетін отбасылардан шыққан балалар ҚР Мәдениет және спорт министрлігінің бүйрүгімен бекітілген квоталар бойынша өткізіледі.

Комиссия игерілмеген квоталарды келесі кезектілік тәртібімен бөлу құқығын өзіне қалдырады:

1) жетім балаларды және ата-аналарының қамқорлығының қалған балаларды, сондай-ақ кәмелетке толғанға дейін ата-анасынан айырылған немесе ата-анасының қамқорлығының қалған жастар қатарындағы Қазақстан Республикасының азаматтары;

2) I, II топтағы мүгедектер, бала кезінен мүгедектер, мүгедек балалар арасынан шыққан азаматтар үшін;

3) Қазақстан Республикасының азаматтары болып табылмайтын ұлты қазақ адамдар үшін;

4) төрт және одан да көп кәмелетке толмаған бала тәрбиленетін отбасылардан шыққан балалар үшін;

5) кемінде үш жыл толық емес мәртебесі бар отбасылар қатарындағы балаларға;

6) бала кезінен мүгедек балаларды, бірінші және екінші топтағы мүгедектерді тәрбиелеп отырған отбасылардан шыққан балаларға;
7) жалпы конкурс.

5.3.12 I, II топтағы мүгедектер, бала кезінен мүгедектер, мүгедек балалар арасынан шыққан азаматтар, Ұлы Отан соғысының қатысушылары мен мүгедектеріне жеңілдіктер мен кепілдіктер бойынша теңестірілген тұлғалар, ҚР азаматтары болып табылмайтын ұлты қазақ тұлғалар, жетім балалар мен ата-анасының қамқорлығының қалған балалар, сондай-ақ кәмелеттік жасқа толғанға дейін ата-анасынан айырылған немесе ата-анасының қамқорлығының қалған жастар қатарындағы Қазақстан Республикасының азаматтары, төрт және одан да көп кәмелетке толмаған балалары бар, бала кезінен мүгедек балаларды, бірінші және екінші топтағы мүгедектерді тәрбиелеп отырған азаматтарға басым құқық берілгенін растайтын құжаттар мен квота қосымша беріледі.

5.3.13 Конкурстық комиссия осы Ереженің ережелеріне сәйкес білім беру грантын беруге ұсынылған құжаттар негізінде өз жұмысын жүргізеді және Студенттер қатарына қабылдау туралы ұсыныс шығарады.

5.3.14 Комиссия Қазақстан Республикасының жоғары оқу орындарына түсушілер үшін талаптарға сәйкес келмейтін үміткерлердің құжаттарын қарамау құқығын өзіне қалдырады. Бұдан басқа, кейбір құжаттардың түпнұсқалығын нақтылау қажет болған жағдайда, комиссия тиісті ұйымға сұрау салуды жібере алады.

5.3.15 Комиссия шешімінің негізінде «ХТЖМУ» КЕАҚ Басқарма Төрайымы – Ректордың грантқа қабылдау туралы бұйрығы шығарылады.

6. Студенттерді қабылдау тәртібі

6.1 «ХТЖМУ» КЕАҚ Басқарма Төрайымы – Ректордың бұйрығымен, студенттерді қабылдау, университеттің қабылдау комиссиясымен күнтізбелік жылдың 21-25 тамыз аралығында жүргізіледі.

6.2 Университетке қабылдау үшін талапкерлер қабылдау комиссиясына келесі құжаттарды тапсырады:

- 1) ректордың атына нысан бойынша өтініш;
- 2) жалпы орта, техникалық және кәсіптік, орта білімнен кейінгі немесе жоғары білімі туралы құжат (түпнұска);
- 3) жеке басын қуәландыратын құжат (көшірмесі);
- 4) көлемі 3 x 4 сантиметр 6 фотосурет;
- 5) 075 нысаны бойынша Медициналық анықтама;
- 6) ҰБТ сертификаты;

7) тізімдемеден үзінді көшірме (шығармашылық дайындықты талап ететін жоғары білім беру бағдарламалары бойынша түсушілер үшін).

6.3 Қабылдау комиссиясының техникалық хатшысы құжаттар пакетін қабылдауды, оларды тіркеуді және талапкерге өтініш түскен күні құжаттар пакетін қабылдау туралы қолхат беруді жүзеге асырады немесе құжаттар пакеті толық ұсынылмаған жағдайда құжаттарды қабылдаудан бас тартады.

6.4 Талапкер қабылдау комиссиясына құжаттардың түпнұсқасын ұсынады.

6.5 Құжаттарды қабылдағаннан кейін, «ХТЖМУ» КЕАҚ Басқарма Төрайымы – Ректордың талапкерді университет студент қатарына қабылдау туралы бұйрығы шығарылады.

6.6 5.1.3-тармақта белгіленген шекті балл жинаған тұлғалар ҰБТ нәтижелері бойынша "ХТЖМУ" КЕАҚ Басқарма Төрайымы – ректорының атына ақылы негізде университеттерге қабылдау туралы өтініш береді.

6.7 Орта, техникалық және кәсіптік немесе орта білімнен кейінгі білімі бар, 5.1.3-тармақта белгіленген шекті балл жинамаған тұлғалар (ҰБТ нәтижелері бойынша) университетке ақылы негізде күндізгі оқу нысаны бойынша қабылданады.

Университетте окудың академиялық кезеңі аяқталғаннан кейін осы тұлғалар Қазақстан Республикасы Білім және ғылым министрінің 2017 жылғы 2 мамырдағы № 204 бұйрығымен бекітілген Ұлттық бірыңғай тестілеуді өткізу қағидаларына сәйкес белгіленген мерзімде бір жыл ішінде қайта тапсырады.

6.8 Республикалық бюджет немесе жергілікті бюджет қаражаты есебінен жоғары білім беру грантын тағайындау туралы куәлік алған тұлғалар куәлікте көрсетілген университетке қабылдау туралы өтініш береді және Басқарма Төрайымы – «ХТЖМУ» КЕАҚ ректорының бұйрығымен студенттер қатарына қабылданады.

6.9 Жоғары білім берудің шығармашылық білім беру бағдарламаларының топтары бойынша білім беру грантының иегерлері шығармашылық емтихан тапсырған Университетке қабылданады.

6.10 Мемлекеттік грант негізінде түсетін Қазақстан Республикасының азаматтары Қазақстан Республикасының Үкіметі айқындастын тәртіппен кемінде 3 (үш) жыл жұмыс істеу туралы шарт жасасады.

6.11 Техникалық және кәсіптік, орта білімнен кейінгі немесе жоғары білімі бар Қазақстан Республикасының азаматтары қысқартылған оқыту мерзімдерін көздейтін жоғары білімнің білім беру бағдарламалары бойынша оқуға қабылданады.

ЖЖОКБҰ-ға "орта буын маманы" немесе "қолданбалы бакалавр" біліктілігі бар техникалық және кәсіптік немесе орта білімнен кейінгі білімі бар тұлғаларды қысқартылған оқыту мерзімдерін көздейтін жоғары білім кадрларын даярлаудың ұқсас бағыттары бойынша ақылы оқуға түсушілерді қабылдауды қабылдау комиссиясы жүзеге асырады.

6.12 Жоғары білімі бар тұлғаларды ақылы негізде қысқартылған оқу мерзімдерін көздейтін білім беру бағдарламаларының тобы бойынша университетке қабылдауды қабылдау комиссиясы жүзеге асырады.

6.13 Университетке қабылдау жоғары білімнің білім беру бағдарламалары мен тіл бөлімдері бойынша бөлек жүргізіледі. Шығармашылық емтихандар белгілентен жоғары білімнің білім беру бағдарламаларына қабылдау осы емтихандар бойынша баллдарды ескере отырып жүргізіледі.

6.14 Бірінші және екінші топтардағы мүгедектігі бар азаматтар, мүгедек балалар, сондай-ақ бала кезінен мүгедектер қабылдау комиссиясына тандаған бағдарламасы бойынша окуға қарсы көрсетілімдерінің жоқтығы туралы медициналық қорытындыны ұсынады.

6.15 Ақылы негізде окуға түсушілер қатарынан, жетім балалар мен ата-анасының қамқорлығының қалған балалар оку ақысын төлеуден босатылады.

7. Шетел азаматтарын окуға қабылдау

7.1 "Жоғары және жоғары оқу орнынан кейінгі білім беру бағдарламаларын іске асыратын білім беру ұйымдарына окуға қабылдаудың үлгі қағидаларын бекіту туралы" Қазақстан Республикасы Білім және ғылым министрінің 2018 жылғы 31 қазандағы № 600 бұйрығының 7-тармағына сәйкес шетелдік азаматтарды жоғары оқу орындарына ақылы негізде окуға қабылдау университеттің қабылдау комиссиясы өткізетін әңгімелесу нәтижелері бойынша жүзеге асырылады. Әңгімелесуді ұйымдастыру және өткізу үшін Басқарма Төрайымы – «ХТЖМУ» КЕАҚ ректорының немесе оның міндетін атқарушы тұлғаның бұйрығымен емтихан өткізу кезеңіне емтихан комиссиясы құрылады.

7.2 Шетел тіліндегі құжаттар қазақ немесе орыс тілдеріндегі нотариалды куәландырылған аудармасымен бірге ұсынылады.

Шетелдік білім беру ұйымдары берген білім туралы құжаттар тұлғаларды окуға қабылдағаннан кейін 1 (бірінші) академиялық кезең ішінде Қазақстан Республикасының заннамасында белгілентен тәртіппен ностирификациялау рәсімінен өтеді.

8. Әңгімелесу өткізу ережесі

8.1 Шетел азаматтары мен тұлғаларды ақылы негізде қабылдау "ZOOM" платформасында әңгімелесу нәтижелері бойынша жүзеге асырылады.

8.2 Әңгімелесу талапкердің кәсіби білім беру бағдарламаларын менгеру қабілетін анықтау мақсатында өткізіледі.

8.3 Әңгімелесу өткізу үшін факультеттің емтихан комиссияларының мүшелері тартылады. Емтихан комиссиясының құрамын қабылдау комиссиясының Төрайымы бекітеді.

8.4 Әңгімелесу барысы мен нәтижелері хаттамамен ресімделеді (1-қосымша)

8.5 Әңгімелесу нәтижелері 100 балдық жүйе бойынша бағаланады. Өту баллы – 50 және одан жоғары. Әңгімелесуді бағалау әңгімелесудің ведомосына қойылады және емтихан алушылардың қолымен расталады.

8.6 Әңгімелесу ведомосі университетке түсушінің жеке ісінде сақталады. Түспеген талапкермен әңгімелесу хаттамасын сактау мерзімі бір жылды құрайды, одан кейін жойылуға жатады.

8.7 Әңгімелесу нәтижелері емтихан аяқталғаннан кейін жарияланады.

8.8 Әңгімелесу өткізу кестесін қабылдау комиссиясы құрады және қабылдау комиссиясының Төрайымы бекітеді.

8.9 Әңгімелесу кезінде бейіндік бағыттағы әртүрлі сұрақтар пайдаланылуы мүмкін.

8.10 Әңгімелесу аяқталғаннан кейін әңгімелесу хаттамасы мен ведомость қабылдау комиссиясының жауапты хатшысына тапсырылады.

9. Қорытынды ереже

9.1 Университеттің осы Ережені талқылау және келісуі «ХТЖМУ» КЕАК басқармасында жүзеге асырылады.

9.2 Құжаттың аудитіне жауапты – Қабылдау комиссиясының жауапты хатшысы.

9.3 Ережені сактауга жауапты Заң және кадр қызметі бөлімі.

Косымша 1

Халықаралық туризм және меймандастық университеті

ЭҢГІМЕЛЕСУ ХАТТАМАСЫ №

«_____» 202 ж.

Түркістан к.

Мамандық бойынша комиссия: _____

Төрайым: _____

Комиссия мүшелері: (Аты-жөні, қызметі) _____

Комиссия Төрайымы: _____
Комиссия мүшелері:

10. Өзгерістерді тіркеу параграфы

Қазақстан Республикасы Мәдениет және спорт министрлігі

«Халықаралық туризм және меймандастық университеті» коммерциялық емес акционерлік қоғамы



Министерство культуры и спорта Республики Казахстан

Некоммерческое акционерное общество
«Международный университет туризма и
гостеприимства»

11. Танысу парагы